

The



PRODUCTIVE
MUSLIM

MANIFESTO


MANIFESTO MUSLIM PRODUKTIF

10 KUALITI PENTING BAGI SETIAP MUSLIM DEMI PEMBENTUKAN SEMULA
UMMAH YANG PRODUKTIF



Manifesto MuslimProduktif ini adalah untuk setiap Muslim dan Muslimah yang:

- ✓ Berusaha mencari keredaan *Allah Subhanahuwataala..*
- ✓ Berusaha mengikuti sunah Nabi Muhammad *Sallallahualaihiwasallam.*
- ✓ Berusaha melaksanakan tanggungjawab mereka sebagai *Khalifah* di muka Bumi ini.
- ✓ Berasa tidak berdaya ataupun kecawa dengan nasib *Ummah* di seluruh dunia dan mencari cara yang produktif untuk membantu.
- ✓ Ingin mencapai kehidupan yang sihat dan seimbang dari segi rohani, fizikal, serta sosial, selaras dengan ajaran al-Quran dan *sunah*.
- ✓ Mengalami kesukaran dalam mengimbangi kehidupan sehari-hari dengan kerja, pelajaran, keluarga, kehidupan sosial, dan tanggungjawab mereka sebagai umat Islam.
- ✓ Mahu menjadi sebahagian daripada penyelesaian dalam membina semula 'Ummah Produktif' demi *Allah Subhanahuwataala*.



Adakah manifesto ini sesuai untuk saya?

Dunia boleh berubah. Mulakan dengan diri anda.

Sesungguhnya, Allah tidak akan mengubah keadaan suatu kaum sebelum mereka mengubah keadaan diri mereka sendiri.

[al-Quran: Surah Ar-Ra'd, Ayat 11]

Assalamualaikum saudara dan saudari.

Anda di sini kerana dalam hati anda, ada benih yang menunggu masa untuk bercambah.

Dalam benih itu terdapat keupayaan yang hebat dan tanggungjawab besar untuk mengeluarkan potensi terbaik dalam diri anda agar dapat membantu Ummah, bekerjasama dalam memulihkan kebenaran serta maruah masyarakat, dan pada masa yang sama menegakkan syiar Islam demi Allah Subhanahuwataala.

Anda teruja untuk menabur benih ini di tempat yang boleh mendatangkan manfaat. Namun pada masa yang sama, anda diselubungi rasa takut dan khuatir. Seolah-olah benih berharga yang terdapat dalam diri anda tidak mendapat khasiat yang diperlukan untuk bercambah.

Hanya dengan melihat di sekeliling, anda dapat lihat banyak cabaran yang bertentangan dengan cara hidup Islam. Ummah kita telah terjunam ke dalam lembah kemiskinan, peperangan, keganasan dan Islamophobia. Hal ini terjadi kepada umat Islam yang telah sesat kerana kejahilan atau terpengaruh dengan masyarakat sekular yang cenderung untuk menarik mereka jauh daripada landasan Allah Subhanahuwataala.

Maha Suci Allah. Segala-galanya kelihatan suram. Namun ANDA ada pilihan.

Anda boleh memilih untuk hanya menerima kenyataan dan menjadi pemerhati pasif, menonton daripada luar

gelanggang dan melihat kejatuhan Ummah ke lembah yang hina. Atau anda boleh memilih untuk mengambil langkah-langkah aktif, menyiram benih dalam hati dan menjadi peserta yang produktif dalam membina semula Ummah ini; untuk setiap insan.

Saya tahu dengan hanya membaca laporan ini anda ingin menjadi peserta yang produktif dalam membangunkan semula Ummah ini, masya-Allah!

Saya tahu bahawa anda juga sama seperti berjuta-juta umat Islam lain yang berkongsi niat yang sama, namun tidak tahu di mana untuk bermula. Lagipun, anda hampir tidak boleh menguruskan tanggungjawab harian, jadi bagaimana mungkin anda dapat menangani masalah Ummah ini?

Insya-Allah, helaian-helaian seterusnya bertujuan menyediakan anda platform permulaan yang diperlukan untuk menjadi MuslimProduktif.

Dalam manifesto ini, terdapat 10 kualiti penting yang perlu disemai dalam setiap umat Islam, agar mereka berupaya memanfaatkan diri dalam mencari penyelesaian untuk membina semula Ummah ini, insya-Allah.

Berikut adalah jangkaan hasil daripada manifesto ini:

10 Kualiti Penting:

Anda akan mempelajari 10 kualiti penting yang diperlukan untuk gaya hidup yang produktif demi Allah Subhanahuwataala – secara rohani, fizikal, dan sosial. Bagi setiap kualiti penting yang

diperkenalkan, kami akan menerangkan mengapa ia menjadi prasyarat MuslimProduktif, dan bagaimana ia menjadi titik permulaan untuk membina semula ‘Ummah yang Produktif’.

Tips Produktiviti Yang Praktikal dan Menyeluruh:

Pasca penerangan setiap kualiti penting, anda akan diajar langkah-langkah yang boleh dilaksanakan serta-merta untuk membina kualiti tersebut. Walaupun langkahnya kecil dan mudah, namun janganlah memandang rendah akan kesannya! Dengan mengikuti langkah-langkah ini, anda boleh mewujudkan satu perubahan penting yang mampu mengubah gaya hidup ke arah yang lebih produktif dan menyeluruh. Ini seterusnya akan menjadi asas bagi pembentukan Ummah, insya-Allah.

Jika anda teruja untuk mulakan perubahan ini dan bersedia untuk meninggalkan zaman kelalaian serta pembaziran, maka anda sudah bersedia untuk menyertai kami dan berjuta-juta lagi saudara yang lain dalam gerakan MuslimProduktif ini.

Selamat datang. Semoga Allah menerima amal dan memudahkan perjalanan anda.

Ikhlas,

Mohammed Faris, a.k.a. "Abu Productive"
pengasas, ProductiveMuslim.com

Adakah manifesto ini sesuai untuk saya?

Dunia boleh berubah. Mulakan dengan diri anda.

Kualiti Penting #1

Kualiti Penting #2

Kualiti Penting #3

Kualiti Penting #4

Kualiti Penting #5

Kualiti Penting #6

Kualiti Penting #7

Kualiti Penting #8

Kualiti Penting #9

Kualiti Penting #10

Ummah sedang menanti anda

Mengenai

Penghargaan & Hubungi Kami

Manifesto MuslimProduktif serta oleh ProductiveMuslim.com adalah berlesen di bawah akta Lesen Pengiktirafan-Bukan Komersial-Perkongsian Serupa 4.0 Antarabangsa Creative Common. Ini bermakna anda dibenarkan untuk berkongsi dan mengadaptasikan karya ini selagi anda memberikan penghargaan yang bersesuaian kepada ProduktifMuslim serta tidak menggunakan karya ini untuk keperluan komersial.

Baca lebih lanjut tentang lesen ini: <http://creativecommons.org/licenses/by-nc/4.0/>

02

03

05

Kecapi segalanya dalam hidup dengan niat yang murni

08

Mencari hubungan rohani & keberkatan setiap masa

11

Isi hati dengan limpahan perkara positif

14

Rancang hari, minggu, bulan dan hidup dengan terperincil

18

Bangun awal dan rebutlah keberkatannya

22

Tekad untuk fizikal yang sihat

25

Teruskan Pembelajaran Holistik Untuk Kehidupan Holistik

28

Ambil masa untuk bersantai!

31

Bersedia Berkhidmat

34

Berikan komitmen dan berdisiplin

37

38

39



Isi kandungan



Kualiti
Penting #1

Kecapi —————
SEGALANYA
dalam
hidup —————
DENGAN
niat murni

Jika berpeluang untuk merenung semula kehidupan anda hari ini, adakah anda akan menggambarkannya sebagai “Kehidupan Dengan Niat” atau “Kehidupan Spontan”?

Mengetahui perbezaan antara kehidupan yang berdasarkan niat dan gaya hidup yang tanpa hala tuju adalah penting.

Ia adalah langkah pertama untuk menjadi Muslim Produktif, dan memerlukan anda untuk memikirkan semula serta mengguna pakai konsep Niat dengan lebih mendalam dalam kehidupan sehari-hari.

Apa yang saya maksudkan dengan kehidupan dengan niat? Biar saya menerangkannya dengan menggunakan contoh.

Bayangkan dua rakan - Ahmad dan Umar - kedua-duanya baru mulakan pengajian kolej pada masa yang sama. Ahmad menjalani kehidupan yang berdasarkan niat. Dia merancang dan memberikan penekanan pada masa serta usaha dalam setiap aspek kehidupan ke arah kebaikan dunia dan akhirat.

Ahmad khusyuk dalam solat hariannya, melibatkan diri dalam aktiviti-aktiviti dakwah, memberikan tumpuan pada pelajaran, dan memastikan fizikalnya kekal sihat. Ahmad sentiasa fokus serta tahu apa dan mengapa dia melakukan sesuatu. Walaupun ketika berehat, bersantai dan bersosial segala-galanya adalah dengan niat. Hasilnya, dia membina hubungan yang sihat serta penuh kasih sayang bersama keluarga, rakan, dan masyarakat.

Sebaliknya, Umar lebih bersikap “mengikut arus”. Walaupun dia menghadiri kelas dan melakukan kerja rumah, dia tidak terlalu memberikan tumpuan. Dia melakukannya atas sebab ‘keterpaksaan’ serta secara ala kadar.

Umar mungkin mempunyai satu atau dua niat untuk mendapat gred yang baik serta mencari pekerjaan yang sesuai, namun selain itu, dia tidak akan memaksa dirinya untuk berusaha bersungguh-sungguh. Dia juga tidak acuh dalam menjaga kesihatannya. Tumpuan pada kehidupan rohani adalah lebih kurang sama; tanpa banyak masa dan usaha digunakan untuk mengukuhkan keimanan atau melibatkan diri dengan masyarakat.

Antara kedua-dua gaya hidup ini, yang manakah lebih hebat? Manakah yang anda fikir akan membawa lebih banyak kejayaan - di dunia dan akhirat?

Sudah tentu, kehidupan dengan niat.

Jadi, apakah kehidupan dengan niat, dan bagaimana mencapainya?

Kita cenderung untuk berfikir tentang niat sebagai perkara utama sebelum melakukan ibadah atau memulakan sesuatu kebaikan atau projek. Namun, ini hanyalah asas kepada penggunaan niat.

Kehidupan yang berdasarkan niat menjangkau bentuk asas penggunaan niat, dan memanfaatkan kuasa sebenarnya untuk mencapai kecemerlangan serta tahap produktiviti yang tinggi.

Bagaimakah anda memanfaatkan kuasa sebenar niat?

Hanya dengan berfikir secara berbeza tentang detik-detik dalam hidup anda serta bertanya pada diri sendiri soalan-soalan yang baik dan berkualiti tinggi seperti:

“Apakah niat saya sekarang?”

“Bagaimakah saya dapat menyerahkan diri kepada Allah Subhanahuwataala dengan melakukan perbuatan ini?”

“Mengapakah saya perlukannya/Kenapa saya perlu melakukannya?”

“Bagaimana saya boleh mendapatkan manfaat untuk diri sendiri dan insan lain dengan melakukan perbuatan ini?”

“Bagaimakah saya dapat memperoleh niat yang lebih baik untuk meningkatkan produktiviti?”

Anda mungkin berfikir, “Baiklah, saya suka dengan sikap yang mengikut arus persekitaran. Saya tidak mahu menekan diri dengan perancangan yang keterlaluan”. Hal ini tentulah bagus sekiranya anda ingin berkawan dengan Abu Unproductive!)

Oleh sebab anda sudah melangkah dalam perjalanan ini, saya mahu anda mencapai potensi hidup yang maksimum dan lebih berniat dalam kehidupan.

Mulai saat ini, berfikir lah secara berbeza tentang NIAT dan cuba untuk lebih BERNIAT dalam kehidupan anda. Pasang niat untuk bekerja, keluarga, agama, dan komuniti anda. Adakan tujuan, matlamat, serta panduan yang jelas untuk setiap aspek kehidupan anda. Sentiasa prihatin terhadap niat anda serta gunakan kuasa niat untuk mempertingkatkan diri dan menjalani gaya hidup yang produktif.

Kecapi
SEGALANYA
dalam
hidup
DENGAN
niat murni




Mulakan dengan tips praktikal:



Dapatkan Jurnal Niat

Beli jurnal/buku catatan dan namakannya Jurnal Niat.



Tulis niat anda

Tulis niat tertentu seperti, "Bulan ini saya berazam untuk menghafal keseluruhan Surah Al-Mulk", serta niat yang umum seperti, "Saya berazam untuk menjadi insan yang positif dan bukan negatif".



Merenung kembali niat anda:

Setiap minggu, semak niat anda dan buat sebarang ulasan. Lihat bagaimana anda mengaplikasikannya dalam kehidupan sehari-hari, dan sekiranya anda berpuas hati atau perlu menyemak serta mengemas kini nya semula.



Kualiti
Penting #2

Mencari | HUBUNGAN
rohani
& KEBERKATAN
*setiap
masa*

Apakah itu ‘berkat’ dan mengapa ia penting?

Adakah anda pernah secara tiba-tiba menyedari yang diri tidak kuat, pintar, istimewa, atau menakjubkan seperti yang difikirkan?

Bukanlah niat saya untuk memperkecilkan anda, namun kita semua pernah melaluinya. Mungkin terdetik saat diuji atau ketika menghadapi bencana, atau hadir saat anda merenung dan menginsafi kehidupan.

Saat-saat yang membuatkan anda berasa rendah diri juga boleh menjadikan anda tidak berdaya.

Sebab itu, apabila terlintas perkara sebegini dalam fikiran, saya mahu anda menggantikannya dengan yang lain: “Ya, saya mungkin tidak kuat, pintar, istimewa... namun ketika bersama Allah, saya lebih kuat daripada apa yang saya boleh bayangkan!”

Sentiasa sedar akan kewujudan Allah dan sifat-sifat-Nya dalam hidup anda, serta melihat tanda-tanda Kekuasaan, Keindahan, dan Keagungan Allah di sekeliling anda benar-benar dapat membantu anda menjalani kehidupan yang produktif.

Ini kerana kesedaran kewujudan Allah Subhanahuwataala diterjemahkan kepada ingatan yang berterusan kepada-Nya, ketiauan kepada perintah-Nya, serta kesedaran bahawa anda perlu lebih banyak beribadah kepada-Nya.

Lebih-lebih lagi, sentiasa sedar akan kewujudan Allah akan dapat membangunkan hubungan rohani kepada-Nya serta menambah keberkatan dalam hidup anda.

Berkat adalah perencah rahsia untuk menjadi Muslim Produktif!


Dengan keberkatan, banyak yang boleh dicapai dalam hidup berbanding tanpanya.

Dari segi ilmiah, berkat bermaksud ‘ikatan suci terhadap suatu perkara yang dapat meningkatkan atau menjadikannya lebih bermanfaat’.

Contohnya, jika ada keberkatan dalam masa, anda boleh melakukan lebih dalam masa sejam tanpa rasa letih. Jika ada keberkatan dalam tidur, anda boleh tidur hanya beberapa jam tetapi berasa segar dan bertenaga apabila bangun. Jika ada keberkatan dalam wang, anda boleh berbelanja lebih dengannya.

Ia sememangnya adalah rahsia produktiviti umat Islam dan merupakan satu rahmat yang hadir hanya untuk anda - umat Islam yang mempercayai Allah dan Rasul-Nya Sallallahuualhiwasallam.

Jadi... adakah anda akan memanfaatkan sumber yang tak ternilai ini?



Mulakan dengan tips praktikal ini:



Belajar

Baca artikel kami [18 Sumber Keberkatan](#) - untuk belajar meningkatkan keberkatan dalam hidup anda.



Latih Diri

Cuba untuk meneroka sekurang-kurangnya TIGA sumber keberkatan pada setiap hari dan jadikannya sebahagian daripada tabiat harian anda.



Ingat

Muat turun dan cetak [infografik](#) "18 Sumber Keberkatan" dan letakkan di tempat yang senang dibaca sebagai peringatan setiap hari.

Mencari

HUBUNGAN
rohani
& KEBERKATAN
*setiap
masa*





Kualiti
Penting #3

Isi
hati
DENGAN
LIMPAHAN
perkara
POSITIF

Bayangkan kehidupan TANPA hal-hal negatif. Tanpa aduan.

Tanpa salah menyalahkan. Tanpa alasan.

Bagaimakah rasanya? Saya pasti anda akan menjadi super positif!

Beginilah caranya bagaimana Allah mahu anda menjalani kehidupan - tidak kira dalam apa jua keadaan. Dia menguniakan Islam kepada kita, yang merupakan agama dan cara hidup yang sangat POSITIF. Islam tidak menggemari kesedihan, kemurungan, atau hal-hal negatif. Ia memberikan panduan bagi menangani kesukaran untuk menjadikan kita lebih kuat dan bahagia.

Hanya dengan membaca ayat-ayat suci al-Quran dan biografi Nabi Muhammad SallallahuAlaihiwasallamakandapatmenyemainilai positif serta keterujaan untuk hidup dalam kehidupan yang sempurna dan produktif!

Satu contoh daripada kehidupan Nabi Muhammad SallallahuAlaihiwasallam adalah ketika baginda menggali parit semasa Peperangan Khandak. Pada masa yang sama 10,000 tentera musuh telah berarak ke arah bandar itu. Baginda telah memberikan khabar gembira kepada para sahabatnya, bahawa mereka akan menang di Yaman, Syria dan Parsi. Ini merupakan satu contoh positif yang maha hebat daripada Baginda walaupun kala menghadapi serangan! SallallahuAlaihiwasallam.



Adakah anda memilih kehidupan yang dilimpahi perkara positif?

Jujurlah. Berapa banyak unsur negatif yang meresap masuk dalam kehidupan anda?

Mungkin anda sering mengadu-domba mengenai diri anda, keluarga, jiran, komuniti, malahan Ummah. Mungkin anda sentiasa mencari asbab mengapa perkara yang berlaku tidak seperti yang diinginkan dan bagaimana kucar-kacir nya segala-gala perkara.

Tidak kira betapa kecilnya pemikiran negatif itu, ia akan mempunyai impak yang besar terhadap tingkah laku, produktiviti, hasil, dan kehidupan anda.

Inilah sebabnya mengapa berfikiran negatif bukanlah adab MuslimProduktif!

Seorang MuslimProduktif adalah amat positif. MuslimProduktif mencari inspirasi menerusi al-Quran dan sirah Nabi Muhammad SallallahuAlaihiwasallam. Dengan cara ini dia dapat mengenal pasti unsur pemikiran negatif dan memilih untuk menggantikannya dengan limpahan perkara positif.

Apabila anda mengamalkan limpahan perkara positif sebagai MuslimProduktif, anda akan menjalani kehidupan tanpa batasan; mencari jalan untuk menjadi daya positif di muka Bumi sebagai khalifah Allah dan memenuhi segala perintah-Nya.

isi
hati

DENGAN LIMPAHAN perkara POSITIF



Mulakan dengan tips praktikal ini:



PRO TIP: Ingat, menghadapi kesukaran akan lebih mudah sekiranya anda mencari hubungan rohani dan keberkatan, kerana dengan pertolongan Allah, anda lebih kuat daripada yang anda sangka!



PRO TIP: Ada rakan di Facebook atau Twitter yang sentiasa mengemas kini hal-hal negatif atau membawa anda ke arah itu? Tutup paparan mereka! Berhenti daripada menjadi rakan mereka! Jika apa yang mereka kongsi kan tidak bermanfaat dan hanya merosakkan mood atau hari anda, maka anda tidak memerlukannya. Berhati-hati dalam memilih rakan dalam hidup dan minda sedar anda.



Sekiranya anda berfikiran negatif, HENTIKANNYA! Fikirkan bagaimana anda boleh menukar hal tersebut menjadi positif.

Sekiranya berhadapan dengan kesukaran, tanya diri anda, 'Apakah yang boleh saya lakukan tentangnya?' Jika jawapannya 'tiada', maka terimalah dengan kesabaran dan jangan merungut. Jika jawapannya 'ada', maka kumpulkan semangat diri, jangan merungut, dan lakukan apa yang perlu untuk membuat perubahan itu.

Kelilingi diri anda dengan insan-insan yang positif Mereka akan mendorong anda untuk mencapai keputusan yang positif. Jangan ambil peduli dengan hal-hal negatif di sekeliling anda.

Hentikan ketagihan anda terhadap BERITA! Ia dipenuhi dengan hal-hal negatif tentang bagaimana dunia ini semua dipenuhi kegelapan dan kesuraman. Jadilah insan yang sangat selektif terhadap unsur-unsur yang hadir dalam hidup dan minda sedar anda.



Kualiti
Penting #4

Rancang *hari*
minggu,
bulan,
dan,
hidup!
dengan terperinci !

Salah satu kuasa imaginasi manusia adalah keupayaannya untuk merancang; membayangkan langkah yang perlu diambil untuk mencapai matlamat yang lebih tinggi.

Kuasa ini amatlah berguna dan - sekiranya digunakan dengan betul - adalah kunci kejayaan di dunia dan akhirat.

Sebagai MuslimProduktif, anda perlu bijak mengawal perancangan dan pengurusan diri anda. Perancangan untuk hari, minggu, bulan, dan tahun-tahun anda perlulah difikirkan dengan mendalam serta terperinci.

Anda merancang dan akur bahawa segala-galanya atas izin Allah. Tiada yang akan berlaku tanpa keizinan-Nya. Namun, daripada hanya berpeluk tubuh dan membiarkan kehidupan dunia diatur, sebaliknya anda merancang secara aktif untuk diri sendiri.

Seseorang mungkin tidak akan bersetuju, "Di manakah kespontanannya? Saya muh melihat ke mana arah hidup saya dibawa arus kehidupan dan saya tidak muh menjadi terlalu teratur dalam hidup".

Inilah persoalannya: merancang tidak bermakna anda menjalani kehidupan yang terlalu teratur.

Ia bermakna anda membina struktur dalam kehidupan yang seterusnya akan memperbaiki diri anda.

Memang tepat bahawa merancang akan membawa anda kepada kespontanen; kerana jika tidak, anda akan hanya berpeluk tubuh, menonton TV, bergelut sepanjang kehidupan, serta tidak mempunyai masa untuk meneruskan hal-hal yang bermanfaat untuk anda di dunia dan akhirat.

Satu lagi keluhan yang sering saya dengar adalah, "Bagaimana dengan mereka di sekeliling saya?! Saya tidak boleh merancang untuk mereka juga! Saya akan menjadi insan yang suka mengawal yang lain!"

Di sini ingin saya tegaskan bahawa merancang bukan bermaksud anda mengawal. Merancang bermakna anda memikirkan apa dan bila untuk melakukan sesuatu. Sudah tentu anda perlu membincangkan rancangan berkaitan dengan keluarga, rakan sekerja, majikan, serta masyarakat dan tidak memaksa mereka menerima idea-idea anda. Walau bagaimanapun, ia bukan alasan untuk tidak merancang.

Malahan, akhirnya mereka yang berada di sekeliling anda akan meminta nasihat mengenai apa yang perlu dilakukan seterusnya atau apa rancangan untuk hari, minggu, dan bulan, kerana mereka tahu bahawa anda adalah perancang yang bijak.



Apa yang perlu anda rancang?

Itu satu soalan yang baik.

Terdapat empat peringkat perancangan yang saya cadangkan:



CONTOHNYA: Mungkin anda mahu melakukan rutin membaca 20 muka surat buku yang berfaedah sebelum tidur, atau rutin bersolat witir setiap malam. Melainkan jika anda merancang untuk cabaran satu bulan (30 hari), tabiat atau rutin itu mungkin akan sukar untuk dilaksanakan.




CONTOHNYA: Seseorang mungkin merancang untuk menghafal Al-Quran dalam tempoh 5 tahun. Dia melakukan perancangan, menyertai sebuah sekolah Al-Quran, dan melakukan yang terbaik untuk menghafal. Tetapi baru separuh jalan, dia telah pun meninggal dunia. Mereka yang tidak mahu merancang kehidupan akan berkata

"Lihat! Kami sudah beritahu anda! Tidak ada gunanya untuk merancang, dia akan mati dan tidak akan dapat mencapai matlamatnya"

Namun saya menyatakan pendapat:

kerana dia merancang, dia menetapkan hasratnya yang mungkin akan diberikan ganjaran oleh Allah Subhanahuwataala walaupun dia tidak memenuhi matlamatnya.



Merancang adalah formula hebat yang menggunakan imaginasi manusia, dan tidak boleh dipandang ringan. Mulalah merancang hari ini.

Mulakan dengan tips praktikal ini:




Muat Turun Muat turun lembaran kerja MuslimProduktif dan mula merancang! Terdapat 4 lembaran kerja yang boleh dipertimbangkan:

- ✓ **Perancang Tugasan Harian** untuk membantu merancang hari dan memastikan anda tidak terlepas tugas yang penting dalam empat lingkungan kehidupan anda (Islam, Keluarga, Kerja, Peribadi)
- ✓ **Perancang Tugasan Mingguan** untuk membantu merancang minggu anda dan mengetahui tugas projek besar pada setiap hari dalam seminggu.
- ✓ **Perancang Tugasan Bulanan** untuk membantu memulakan tabiat yang baik dan berhenti melakukan tabiat yang buruk dalam tempoh 30 hari.
- ✓ **Perancang Matlamat Akhir Muslim Produktif** untuk membantu merancang hidup anda dan menghubungkan matlamat anda untuk akhirat.



Semak Semak perancangan anda setiap hari, minggu, bulan, tahun, dan jadikannya fleksibel.



Ikut Rancangan Ikut rancangan anda dan jangan membiarkannya begitu sahaja.

RANCANG hari
.....
minggu,
bulan,
dan,
hidup!
dengan terperinci





Kualiti
Penting #5

Bangun
AWAL &
dan rebutlah
KEBERKATANNYA

Pada pendapat anda, pagi manakah yang lebih baik?

Pagi A



a. Anda bangun pukul 8 pagi. Anda terlepas solat Subuh. Anda dan/atau anak-anak lewat untuk ke tempat kerja/sekolah. Anda tidak bersarapan, lupa untuk bersenam, dan terperangkap dalam kesesakan lalu-lintas yang paling teruk! Anda sampai lewat ke tempat kerja, peti e-mel anda dipenuhi mesej, dan bos muah laporan mingguan anda dalam masa 10 minit!

Pagi B

b. Anda bangun pukul 4.30 pagi. Anda bersolat Tahajud dan kemudian membaca sebuah buku yang hebat atau merancang hari anda sementara menunggu solat Subuh. Usai solat Subuh, anda melafazkan doa awal pagi, membaca Al-Quran, bersenam dan mandi. Kemudian anda menikmati sarapan pagi yang santai bersama pasangan dan anak-anak sebelum pergi awal ke tempat kerja, terhindar daripada kesesakan lalu lintas sambil menikmati perjalanan anda. Anda sampai awal ke pejabat, merancang hari kerja, serta menyelesaikan tugas-tugas yang paling penting sebelum membaca e-mel dan bermesyuarat.

Sedikit berbeza, bukan? ;)

Kedua-dua senario di atas menggambarkan perbezaan antara mereka yang berjaya dengan yang tidak.

Ada sesuatu yang hebat pada mereka yang bangun awal dan menggunakan masa di awal pagi dengan sebaik-baiknya sebelum mulakan hari mereka.

Mungkin rahsia ini seperti yang tercatat dalam hadis Nabi Muhammad Sallallahu alaihi wasallam, yang menyebut "Berkatilah umat ku di waktu paginya".

Bertemu keberkatan sekali lagi!

Keberkatan adalah perencah rahsia bagi Muslim Produktif, seperti yang saya pernah sebutkan sebelum ini. Bangun di awal pagi adalah punca utama keberkatan.

Jika anda ingin menjadi MuslimProduktif, saya sangat menggalakkan anda supaya menyertai mereka yang bangun awal pagi. Ia adalah sebuah kelab eksklusif untuk mereka yang ingin berjaya dan tidak mahu tergesa-gesa pada waktu pagi lagi.

Kelab ini mempunyai tiga peraturan asas:

Peraturan #1

Anda mesti bangun SEBELUM solat Subuh. Setiap. Hari.

(Puan-Puan, walaupun anda uzur pada hari tersebut.)

Peraturan #2

Anda mesti berjaga SELEPAS solat Subuh sehingga matahari terbit.


(Ya, bagi wanita, walaupun pada hari-hari uzur anda.)

Peraturan #3

Anda perlu jelas dengan perancangan pada hari itu, dari masa anda bangun sebelum solat Subuh sehingga matahari terbit dan seterusnya. Kami menggelarnya "Rutin Awal Pagi".

Adakah anda fikir ia tidak praktikal? Adakah anda percaya ia sesuatu yang mustahil untuk menyertai kelab ini, dan masih aktif serta produktif untuk sepanjang hari?

Izinkan saya untuk menjemput anda menyertai kursus kami, "[Panduan MuslimProduktif untuk TIDAK TINGGAL SOLAT SUBUH Lagi](#)". Ia boleh didapati di [ProductiveMuslim Academy](#), dan anda akan belajar tips praktikal untuk menyertai kelab mereka yang bangun seawal pagi serta merancang rutin pagi yang hebat dan produktif.



Bangun AWAL & dan rebutlah KEBERKATANNYA



Mulakan dengan tips praktikal ini:



Sertai kursus percuma: "[Panduan MuslimProduktif untuk TIDAK TINGGAL SOLAT SUBUH Lagi](#)" di [ProductiveMuslim Academy](#).



Baca tiga artikel berikut mengenai bangun untuk solat Subuh, yang amat praktikal dan sesuai untuk semua zon masa:

- ✓ [Bagaimana Untuk Bangun Solat Subuh](#)
- ✓ [7 Tips untuk Kekal Bangun Selepas Solat Subuh](#)
- ✓ [Bagaimana Saya Bangun Secara Konsisten \(Dengan izin Allah\) 45 Minit Sebelum Azan Subuh](#)



Daftar untuk kelab bangun awal pagi dan jemput keluarga serta rakan-rakan untuk menyertai dan saksikan peningkatan produktiviti anda!



Kualiti
Penting #6

Tekad +
untuk
fizikal
yang sihat

Saya benci apabila diri rasa lemah, tidak aktif, serta pada dasarnya hanya suka berehat. Saya suka apabila diri rasa cergas, aktif secara fizikal, kuat dan sihat.

Sejak bertahun lamanya, saya telah belajar bahawa keadaan positif/negatif tidak datang dengan sendirinya. Ia secara langsung berkait rapat dengan tabiat pemakanan dan tahap aktiviti yang dilakukan. Tiada jawapan mudah.

Saya tidak akan memberikan ceramah tentang kepentingan menggelakkan burger berminyak, samosa rangup, atau gula-gula yang penuh dengan soda. Saya juga tidak akan memberikan khutbah mengenai kebaikan senaman dan menjalani kehidupan yang aktif.

Namun jika anda serius dan komited untuk menjadi MuslimProduktif, anda perlukan segala bantuan daripada badan anda.



Menjaga jentera anda

Badan kita adalah jentera yang hebat yang perlu dijaga dengan baik untuk berfungsi pada tahap yang optimum.


Lebih baik kita menjaganya dengan mengisinya dengan tenaga dan senaman yang betul, lebih baik ia akan berfungsi untuk memberikan kita keputusan yang menakjubkan.

Adakah anda perasan bagaimana CEO yang berjaya kebiasaannya berada pada tahap kesihatan yang baik? Adakah anda fikir itu hanya satu kebetulan?

CEO ini tahu bahawa untuk mentadbir pada prestasi yang optimum, menguruskan berbilion-bilion ringgit, dan menerajui tenaga kerja global, mereka perlu mengamalkan pemakanan yang sihat serta sentiasa kekal cergas.

Jika anda takut pada perubahan yang drastik; saya ada beberapa berita baik: jangan lakukan perubahan drastik dengan kadar segera. Saya tidak mengharapkan anda untuk meninggalkan sama sekali makanan yang tidak sihat dan masuk ke gim mulai esok. Tetapi berjanji lah dengan saya satu perkara: Setiap minggu, anda akan membuat satu perubahan kecil terhadap diet dan gaya hidup aktif anda. Contohnya, minggu ini anda akan berhenti mengambil pencuci mulut selepas makan malam serta mula menggunakan tangga dan bukannya lif. Bukan sesuatu yang mustahil untuk dilakukan? Hebat!

Sedikit demi sedikit, anda akan berjaya melakukannya dan akan menikmati hasil daripada badan yang aktif.



Mulakan dengan tips praktikal ini:



Simpan satu diari makanan yang mencatat apa yang anda makan setiap hari. Fikir dengan teliti tentang kesan makanan ini ke atas kecergasan fizikal anda.



Buat perubahan kecil terhadap diet/tahap senaman anda setiap minggu seperti yang dinasihatkan di atas.



Anda tidak perlu menyertai gim untuk bersenam; selagi anda bergerak lebih daripada biasa, itu permulaan yang baik. Menggabungkan gaya hidup yang aktif sebanyak mungkin dengan bermain sukan bersama rakan sekerja anda, atau bermain dengan anak-anak anda di taman setiap hari, dan sebagainya.

*Tekad + untuk
fizikal
yang sihat*





Kualiti
Penting #7

Teruskan

PEMBELAJARAN
Holistik
Untuk
KEHIDUPAN
Holistik

Bayangkan zaman sebelum wahyu pertama diterima Nabi Muhammad

Sallallahu alaihi wasallam.

Selama 500 tahun, langit mendiamkan diri. Tiada wahyu baru diturunkan kepada umat manusia. Kitab-kitab lama iaitu Taurat serta Injil - telah hilang kesahihannya dan manusia jatuh ke lembah kegelapan.

Kemudian Nabi Muhammad Sallallahu alaihi wasallam dilahirkan, dan jangkaan kelahiran Nabi baru semakin meningkat melalui tanda-tanda kenabian seperti yang diperkatakan oleh mereka yang cerdik pandai di tanah Arab. Apabila Baginda Sallallahu alaihi wasallam mencapai usia 40 tahun, wahyu pertama pun turun di dalam Gua Hira' - Gunung Yang Bercahaya.

Selepas 500 tahun, pada fikiran anda apakah yang akan menjadi perintah pertama daripada Allah Subhanahu wataala kepada manusia? Apa yang akan menjadi pengajaran pertama-Nya? Anda tahu hal itu. Ia adalah "Iqra" (baca).

Iqra... baca!

Kita boleh menulis berjela-jela mengenai keindahan dan kekuasaan bagi istilah pilihan Allah ini.

Pertama, jangan kelirukan diri anda antara "iqra" (baca) dengan hanya "membaca", iaitu perbuatan memahami kata-kata yang tercatat di atas kertas. Iqra merujuk kepada pemahaman yang lebih mendalam terhadap istilah "membaca".

Ia merangkumi membaca ayat-ayat Tuhan di langit dan di-bumi; membaca serta memahami ciptaan-Nya serta belajar perkara yang boleh mendatangkan kebaikan atau membinasakan makhluk ciptaan-Nya; membaca serta memahami manusia dan bagaimana untuk hidup dalam masyarakat yang lebih baik.

Iqra tidak hanya bermaksud pergi ke sekolah untuk mendapatkan ijazah dan PhD. Ia pembelajaran holistik untuk kehidupan yang holistik. Ia belajar untuk memahami, meningkatkan kepakaran, berkembang dan berfikir, serta mencapai tahap kesedaran dan pengetahuan yang lebih tinggi.

Rakan saya pernah memberitahu, "Jika anda menghadapi sebarang cabaran dalam hidup, saya jamin, bahawa ada insan di suatu tempat yang lain ada menulis mengenainya". Hal ini membuka mata saya. Anda tidak perlu menghadapi cabaran sendirian. Ada sebuah buku di luar sana menunggu untuk anda baca dan belajar daripadanya, agar anda boleh meneruskan kehidupan. Bukanakah ini maksud sebuah kehidupan? Belajar dan terus maju ke hadapan serta tidak membiarkan diri dibelenggu masalah.

Setiap malam, sebelum tidur, tanya diri anda: "Apa yang saya belajar hari ini?" (sama ada daripada buku, seseorang, atau apa-apa perantara lain). Jangan tidur tanpa mengendahkan perintah Tuhan mu, Dia berfirman kepada kamu, "Iqra".



Teruskan

PEMBELAJARAN
Holistik

Untuk
KEHIDUPAN
Holistik



Mulakan dengan tips praktikal ini:




Baca. Baca. Baca. Tidak mampu untuk saya berikan penekanan secukupnya. Tetapkan sasaran untuk membaca satu atau dua buah buku sebulan. Baca tentang agama anda dan cara terbaik untuk beribadah kepada Allah Subhanahuwataala terutamanya dalam keadaan yang berkaitan. Sebagai contoh, jika anda bercadang untuk berkahwin, bacalah buku-buku bercorak keislaman mengenai hal-hal perkahwinan. Jika anda berkira-kira untuk membayar zakat, bacalah tentang zakat. Baca buku bukan fiksyen. Baca buku mengenai isu-isu yang bermasalah untuk anda (memilih kerjaya, memperbaiki hubungan, bagaimana untuk menjadi ibu bapa yang baik, dan lain-lain). Jika anda mahu hiburan halal, bacalah cerita atau buku fiksyen yang mempunyai mesej moral yang baik dan nilai-nilai yang murni..



Dengar. Dengar. Dengar. Dengar buku audio. Ini adalah cara yang baik untuk menghabiskan lebih daripada satu buku setiap bulan. Anda boleh mendapatkan satu set buku audio yang bagus daripada [Audible.com](https://www.audible.com). Dengar apa yang ingin dikongsi oleh mentor, guru, mereka yang bijaksana kerana mereka mempunyai banyak pengetahuan dan pengalaman. Dengar ceramah tentang Islam secara dalam talian daripada para ilmuwan terkenal dan peroleh manfaat daripada mereka.

Fikir dan ambil perhatian. Jangan menjadi pelajar pasif yang hanya membaca atau mendengar apa sahaja yang datang tanpa memproses maklumat tersebut. Fikirkan tentang apa yang sedang anda baca atau dengar. Fikirkan tentang bagaimana ia boleh diguna pakai dalam kehidupan seharian anda, bagaimana anda boleh mengambil tindakan terhadap apa yang diperoleh, dan bagaimana anda boleh berkongsi dengan insan lain. Ambil perhatian terhadap pembelajaran utama dan catat dalam jurnal anda untuk rujukan masa hadapan.

Fahami tanda-tanda besar ciptaan Allah. Renungkan kekuasaan dan keagungan-Nya melalui makhluk ciptaan-Nya untuk kita. Perhatikan matahari yang terbit dan keindahannya serta bagaimana setiap makhluk ciptaan-Nya bangun apabila terbitnya matahari. Perhatikan bulan dan perubahan bentuk serta kedudukan sepanjang malam. Lihat dengan lebih dekat pada bunga dan pokok-pokok di sekeliling anda. Kagumi keindahan dan kelazatan buah-buahan yang terdapat di pasaran serta bagaimana ia hadir dalam bentuk yang terindah. Sentiasa renungkan dan 'baca' tanda-tanda kewujudan Allah.



Kualiti Penting #8

AMBIL *masa*

untuk
BERSANTAI! !

Apa yang terlintas di fikiran anda apabila memikirkan tentang manusia yang produktif?

Adakah anda fikir mereka adalah insan yang terlalu sibuk serta sentiasa bekerja dan hampir tidak mempunyai masa untuk bersenang-senang atau duduk bersama keluarga?

Anda sudah tentu akan gembira apabila mendengar bahawa itu bukan definisi bagi Muslim Produktif untuk menjadi produktif.

Menjadi produktif tidak bermakna anda perlu sentiasa bekerja dan tiada masa untuk berehat. Menjadi produktif bermaksud mengetahui BILA untuk beriadah dan bersantai, serta BILA anda perlu bekerja keras dan menjadi serius - serta memastikan anda mengimbangi kedua-duanya dengan cara yang sihat.

Terlalu banyak perkara yang perlu dilakukan oleh Nabi Muhammad Sallallahu alaihi wasallam (Baginda adalah Rasul, Imam, bapa, suami, dan pemimpin bagi kaumnya). Namun, dalam biografinya kita dapat lihat banyak contoh Baginda mengambil masa untuk berseronok dan menikmati kehidupannya. Baginda akan berlumba lari dengan isterinya, menonton persempahan lucu, serta menghabiskan masa yang berkualiti di rumah bersama keluarga. Bukan setiap masa hanya kerja, kerja, kerja, walaupun Baginda adalah manusia PALING produktif!

Demikian juga halnya dengan kita, isi lah gaya hidup produktif dengan detik-detik hiburan dan rekreasi yang halal. Ini mungkin bermakna anda membawa keluarga berkelah di taman, keluar bersama pasangan, membawa anak-anak ke taman tema, atau hanya bersantai di rumah menonton rancangan kartun bersama anak-anak atau menghirup air teh sambil membaca buku yang baik.



Dan sebelum anda berfikir bahawa detik-detik santai adalah satu pembaziran tenaga dan masa; kajian telah menunjukkan bahawa mengambil rehat yang kerap dapat meningkatkan produktiviti dan kreativiti serta membolehkan otak anda melihat perkara baru yang tidak dapat dilihat sebelum ini apabila anda terlalu fokus terhadap perkara yang dilakukan.

Produktiviti untuk dunia dan akhirat

Satu lagi persoalan penting untuk ditanya: Adakah saya menjadi produktif untuk Allah?

Walaupun semasa rehat atau bermain, kita boleh menjadi produktif untuk Allah asalkan kita sentiasa mengingati-Nya. Menghabiskan masa bersama ibu bapa, pasangan, dan anak-anak adalah ibadah apabila kita mengingati bahawa mengekalkan hubungan baik dengan keluarga adalah kerana Allah. Tidur juga adalah satu bentuk ibadah apabila kita berniat untuk berehat demi Allah, supaya kita boleh disegarkan semula untuk menyembah-Nya dengan cara paling baik pada kesokan harinya.

Berikut adalah hadis untuk direnung.

Seorang sahabat pernah datang kepada Nabi Muhammad Sallallahu alaihi wasallam lalu berkata, "Ya Rasulullah, ketika kami berada di sisi mu, dan diingatkan tentang seksaan neraka serta nikmat syurga, kami merasakan seolah-olah melihatnya dengan mata sendiri. Akan tetapi apabila kami keluar dari sisi mu dan melayani isteri-isteri kami, anak-anak serta perniagaan, banyak perkara-perkara ini keluar dari fikiran kami. "Nabi Sallallahu alaihi wasallam bersabda: "Demi Allah yang jiwa ku di tangan-Nya, jika keadaan fikiran mu tetap sama ketika berada di sisi ku dan sentiasa berzikir (kerana Allah), maka malaikat akan berjabat tangan dengan mu di tempat tidur mu dan di jalan raya mu; tetapi Hanzalah, sudah tentu masa perlu dilapangkan (untuk urusan dunia) dan masa perlu dilapangkan (untuk bersolat)". Baginda (Nabi Sallallahu alaihi wasallam mengulangi sabdanya itu sebanyak tiga kali **[Muslim]**.

Masa yang diluangkan untuk hiburan serta rekreasi adalah perhentian untuk anda memberikan nafas baru, menyegarkan, dan mengecas semula diri sebelum memulakan semula tugas rohani atau pekerjaan anda.

Mulakan dengan tips praktikal ini:



Luangkan masa yang menyeronokkan/menenangkan untuk diri sendiri agar dapat menyegarkan diri
(Nota: Amat berguna untuk mereka yang bangun awal, kerana waktu begini anak-anak sedang tidur!)



Rancang acara rekreatif mingguan bersama keluarga anda, contohnya berkelah, keluar dengan pasangan, menghabiskan malam dengan rancangan kartun, dan lain-lain.



Rancang percutian ke lokasi yang baru (dalam atau luar negara) sekurang-kurangnya setiap 3-6 bulan. Cuba untuk mengagihkan percutian anda sepanjang tahun dan bukan hanya sekali setahun. Sudah tentu, ini bergantung kepada banyak faktor, termasuk kewangan, cuti sekolah, dan keadaan cuaca. Bagaimanapun, anda masih boleh berehat untuk menyegarkan diri jika anda turut melakukan perancangan pada hujung minggu dan cuti umum.





Kualiti
Penting #9

Bersedia
BERKHIDMAT

Apabila memikirkan istilah "khidmat", anda mungkin berfikir tentang perkhidmatan yang diterima di restoran, pembantu rumah membersihkan rumah anda, atau sebarang bentuk perkhidmatan pelanggan dengan syarikat.

Bagaimanapun, jarang sekali kita terfikir bahawa sesungguhnya kita 'berhutang' khidmat dengan mereka yang di sekeliling kita.

Berapa ramai antara kita memikirkan "berkhidmat" untuk keluarga, atau "berkhidmat" kepada jiran, atau "berkhidmat" terhadap masyarakat, atau "berkhidmat" kepada manusia dan Ummah pada umumnya?

Jika ada satu kata kerja yang dapat menerangkan MuslimProduktif, ia adalah "berkhidmat".

MuslimProduktif sentiasa berkhidmat kepada yang lain; berkhidmat untuk keluarga, berkhidmat kepada masyarakat, berkhidmat terhadap Ummah. Nabi Muhammad Sallallahu alaihi wasallam merupakan contoh yang sentiasa memberikan khidmat kepada keluarganya, masyarakat dan Ummah serta tidak pernah membiarkan keselesaan hidup mengalih perhatian Baginda daripada tugas utamanya.

Berkhidmat bermakna berkorban. Ia bermakna anda perlu kurang mementingkan keperluan serta kehendak sendiri dan menjadi lebih prihatin dan belas kasihan terhadap keperluan serta kehendak insan lain.




Khidmat kami adalah ibadah kami

Ibnu Abbas (semoga Allah merahmati nya) duduk beriktikaf di dalam masjid Nabi Muhammad Sallallahu alaihi wasallam apabila seorang lelaki datang kepadanya dan meminta pertolongan beliau untuk melakukan sesuatu. Ibnu Abbas meninggalkan iktikafnya untuk memberikan khidmatnya kepada lelaki itu. Ketika ditanya, "Mengapa kamu meninggalkan iktikaf?" Beliau berkata: "Keluar dan berkhidmat untuk saudara ku adalah lebih baik daripada melaksanakan sebulan iktikaf dalam masjid Nabi Muhammad Sallallahu alaihi wasallam".

Inilah pengertian khidmat bagi mereka!

Jika anda berasa sukar untuk berkhidmat kepada yang lain dan berasa seolah-olah anda sedang berpura-pura, maka izinkan saya mencadangkan sesuatu: berpura-pura lah melakukannya sehingga anda menjadi ikhlas! Menawarkan khidmat adalah kemahiran yang boleh dipelajari, terutamanya jika ia bukan sesuatu yang telah dilatih sejak kecil. Apabila anda mula menawarkan khidmat kepada yang lain, anda akan terdorong untuk melakukan lebih banyak lagi sehingga menjadikannya sebahagian daripada hidup anda.



Bersedia BERKHIDMAT



Mulakan dengan tips praktikal ini:



Senaraikan semua ahli keluarga, rakan sekerja dan jiran-jiran dan fikirkan cara untuk menawarkan khidmat kepada mereka. Bagaimana anda boleh membantu mereka? Boleh jadi sesuatu yang istimewa, seperti membantu mereka dengan satu tugas penting yang perlu mereka lakukan; atau boleh jadi sesuatu yang anda lakukan secara konsisten pada setiap hari, seperti membuang tong sampah untuk mereka pada hari pengumpulan sampah.

Jadilah insan yang cenderung untuk mengatakan 'YA' apabila seseorang meminta bantuan atau nasihat anda. Telakkan berkata 'TIDAK' melainkan jika benar-benar sibuk atau dipenuhi dengan tugas dan memerlukan sedikit masa untuk melakukan sesuatu untuk diri sendiri. Sekiranya anda mengatakan 'Tidak', terangkan mengapa supaya mereka tidak berasa kecewa untuk datang dan meminta bantuan anda pada masa hadapan.

Tunjuk rasa berterima kasih dan menghargai apabila seseorang memberikan khidmatnya. Janganlah terlalu "mengharapkan" khidmat daripada mereka walaupun mereka adalah anak-anak atau pasangan anda. Sentiasa ikhlas menghargai khidmat yang mereka berikan. Ingat bahawa mereka membuat pilihan untuk berkhidmat kepada anda; jadi berterima kasih kepada mereka.



Kualiti
Penting #10

BERIKAN ————— & —————
komitmen dan
berdisiplin

Banyak nasihat dan petua praktikal yang telah kami kongsi bersama anda. Mungkin sekarang anda sudah mula bimbang cara melaksanakannya serta bagaimana untuk sentiasa konsisten.

Nasihat saya adalah untuk memulakan langkah-langkah kecil dengan penuh komitmen dan berdisiplin.


Lakukan setiap satu kualiti penting dalam manifesto MuslimProduktif, dan lihat jika anda boleh memberikan tumpuan kepada setiap satunya selama satu minggu pada satu masa.

Saya tahu ini mungkin agak sukar, dan mungkin anda telah mencuba sebelum ini lalu gagal...

Namun ingat bahawa Ummah sedang menanti anda.

Adalah lebih baik untuk mati dalam keadaan mencuba untuk mencontohi kualiti penting ini daripada berputus asa dan kembali kepada kehidupan silam.

Juga ingat bahawa anda tidak boleh menjadi MuslimProduktif dalam sekilip mata. Ia mengambil masa serta usaha, dan adalah satu proses.



Mulakan dengan tips praktikal ini:



Lawati kami setiap hari di [ProductiveMuslim](#) dan semak nasihat serta tips terkini yang telah kami sediakan untuk anda.



Jika anda mahu ProductiveMuslim Academy
daftar lah dengan Akademi MuslimProduktif kami dan bersedia
untuk sentiasa belajar menjalani kehidupan yang produktif.



Jika anda benar-benar serius untuk menjadi produktif saya sangat mengesyorkan anda untuk mendaftar dalam program latihan kami yang bukan sahaja akan membimbing anda dan memberikan penyelesaian yang sesuai untuk cabaran produktiviti anda, tetapi juga akan membuatkan anda lebih bertanggungjawab untuk berpegang kepadanya. Anda boleh mengetahui lebih lanjut mengenai program latihan di [sini](#).

BERIKAN komitmen & *dan berdisiplin*



Ummah sedang menanti anda

Saya memulakan siri ini dengan menegaskan bahawa kita hidup dalam zaman yang sukar. Kita mempunyai pilihan sama ada untuk menerima serta hanya berdiam diri terhadap status Ummah kini atau bergerak secara aktif dan menjadi sebahagian daripada kebangkitan semula.

Saya berasa positif dan yakin bahawa dengan insan seperti anda - yang mengambil berat tentang Ummah, mencintai Allah Subhanahuwataala dan Rasul-Nya SallallahuAlaihiwasallam, yang inginkan perubahan serta bersedia untuk belajar dan mengguna nasihat yang diterima, akan dapat membantu mereka berkembang, membangun dan memperbaiki - Ummah kami akan dibangkitkan semula.

Kemunculan kebangkitan Ummah. Tidak ada keraguan tentangnya.

Persoalannya ialah - adakah anda sebahagian daripada punca yang membawa kepada kebangkitan Ummah; atau anda hanya menjadi pemerhati pasif?

Mari semua, tingkatkan produktiviti untuk menjadi sebahagian daripada punca yang menjadikan kemenangan Ummah sekali lagi.



Capai sepenuhnya potensi dan produktiviti diri anda dengan artikel produktiviti yang baru secara PERCUMA.

[ke peti e-mel anda. Klik di sini untuk mendaftar surat berita MuslimProduktif hari ini.](#)

Sumber dan Rujukan

- ✓ [Lubuk Emas Produktiviti: Mulakan dengan Bismillah](#)
- ✓ [18 Sumber Keberkatan](#)
- ✓ [Infografik 18 Sumber Keberkatan](#)
- ✓ [Merancang Tugasan Harian](#)
- ✓ [Merancang Tugasan Mingguan](#)
- ✓ [Merancang Tugasan Bulanan](#)
- ✓ [Perancang Matlamat Akhir MuslimProduktif](#)
- ✓ [Panduan MuslimProduktif untuk TIDAK TINGGAL SOLAT SUBUH Lagi](#)
- ✓ [Bagaimana Untuk Bangun Solat Subuh](#)
- ✓ [7 Tips untuk Kekal Bangun Selepas Solat Subuh](#)
- ✓ [Bagaimana Saya Bangun Secara Konsisten \(Dengan izin Allah\) 45 Minit Sebelum Azan Subuh](#)



Tingkatkan produktiviti dengan latihan lanjutan serta alat bantuan yang disusun mengikut al-Quran dan sunah.

[Klik untuk mendaftar dengan Akademi MuslimProduktif.](#)

Mengenai MuslimProduktif

Seperti yang dipaparkan dalam:

TEDxArabia

ZAMAN

ISLAM CHANNEL

CNN

TV ALHIRAH

huda

DESTINATION JEDDAH

Saudi Gazette

MuslimProduktif terdiri daripada pasukan global yang berminat untuk berkhidmat kepada Ummah. Kami berdedikasi untuk membantu saudara-saudara kami menjadi MuslimProduktif, yang menyumbang dengan lebih baik kepada keluarga, masyarakat, dan berkhidmat kerana Allah Subhanahuwataala.

MuslimProduktif menawarkan Ummah paradigma produktiviti berbentuk Islamik - produktiviti yang didorong oleh keimanan dan nilai murni; yang tidak mengosongkan jiwa; produktiviti yang mengiktiraf bahawa kita bukannya segelintir kecil dalam masyarakat. Kita adalah insan dan setiap antara kita adalah khalifah di muka bumi ini dengan tujuan tertentu.

Dengan memahami maksud ini dan hidup berlandaskan nilai-nilai al-Qur'an, serta mengikut model peranan Nabi Muhammad Sallallahu alaihi wasallam, kami akan mencapai gaya hidup yang produktif berdasarkan keimanan yang membawa kejayaan di dunia dan akhirat.

PRODUCTIVE MUSLIM®

Mengenai Penulis



Mohammed Faris adalah pemimpin pemikir antarabangsa yang dirujuk, penceramah dan jurulatih yang pakar menerajui bidang produktiviti Islam.

Kejayaan yang paling diingati adalah Pengasas ProductiveMuslim.com, platform dalam talian yang popular, blog dan organisasi latihan produktiviti yang berkhidmat untuk "e-Ummah", berjuang untuk mengintegrasikan amalan agama mereka dengan kehidupan moden dan tanggungjawab mereka setiap hari. Blog dan organisasi yang berusia tujuh tahun ini telah diiktiraf oleh Anugerah Brass Crescent untuk tiga tahun berturut-turut sebagai blog terbaik umat Islam dan/atau kumpulan blog.

Lebih dikenali sebagai "Abu Produktif" dalam ProductiveMuslim.com, Mohammed Faris dilahirkan di Tanzania (berketurunan Yaman) tetapi menghabiskan sebahagian besar hidupnya membesar di Arab Saudi selepas ibu bapanya berhijrah ke sana. Beliau kemudian meneruskan pengajian tinggi di UK dan merupakan pemegang Ijazah Sarjana dalam Kewangan dan Pelaburan dari Universiti Bristol.

University of Bristol merupakan tempat pertamanya membangunkan kemahiran kepimpinan. Beliau terlibat dalam pelbagai projek untuk umat Islam, serta mengukir wawasan untuk berkhidmat kepada Ummah dalam apa jua kapasiti mengikut kemampuannya.

Bermula dengan blog peribadi pada tahun 2008 yang dikenali sebagai "ProductiveMuslim.com", beliau kemudian menggabungkan cintanya kepada produktiviti dengan keinginannya untuk membantu umat Islam di seluruh dunia memahami perspektif unik dalam memadankan keperluan dunia moden hari ini dengan nilai-nilai dan prinsip-prinsip Islam bagi kehidupan yang produktif.

Perjalannya dengan blog dan kemudian organisasi latihan dalam talian telah menjadikan Mohammed Faris salah seorang penceramah antarabangsa, jurulatih, dan penulis yang berkemampuan menyuling konsep nilai-nilai Islam yang luas kepada bentuk yang lebih praktikal, langkah-langkah yang boleh diambil oleh umat Islam untuk memperoleh kemahiran serta motivasi yang diperlukan untuk menjalani kehidupan yang produktif demi Allah Subhanahuwataala dan mencari kejayaan yang sebenar dalam agama, dunia dan akhirat.

Penghargaan

Saya ingin merakamkan ucapan terima kasih dan penghargaan kepada para sukarelawan MuslimProduktif atas sokongan mereka dalam penghasilan manifesto ini:

- ✓ **Lisa Zahran** kerana membantu saya menstrukturkan semula kandungan manifesto ini, memperbaiki gaya tulisan, dan menulis semula bahagian yang lengkap dengan kemahiran menulis beliau yang sangat baik.
- ✓ **Fathima Nafla** atas kerja-kerja suntingan yang sangat baik dan memastikan kesempurnaan maksimum manifesto ini.
- ✓ **Aneesah Satriya** and **Fatima Ahmed** yang telah memberikan keindahan reka bentuk kepada manifesto ini dan menjadikannya karya yang bermutu.
- ✓ **Mohammed Athif Khaleel** yang telah menguruskan projek ini serta membantu manifesto ini mencapai pembaca yang lebih jauh dan luas.

Semoga Allah m e m b e r i k a n ganjaran kepada anda semua dan memberikan ganjaran kepada keseluruhan pasukan MuslimProduktif yang tidak mengenal penat lelah bekerja untuk membantu Ummah menjadi produktif. JazakumAllah khair.

Ikhlas,
Saudara mu,
Mohammed Faris



Hubungi Kami:



Facebook
ProductiveMuslim
ProductiveMuslimah



Twitter
@AbuProductive
@ProductiveMmeh



Instagram
ProductiveMuslim



Google+
+productivemuslim

Anda juga boleh menghubungi kami pada bila-bila masa melalui laman web kami di ProductiveMuslim.com

Hubungi Kami



10 KUALITI PENTING BAGI SETIAP MUSLIM DEMI PEMBENTUKAN

SEMULA UMMAH YANG PRODUKTIF

by PRODUCTIVE
MUSLIM.com®

pursue
HO^LISTIC
learning
for a
HO^LISTIC
life

Kecapi —
SEGALANYA dalam
hidup —
DENGAN niat murni

RANCANG ^{hari}
minggu,
bulan,
dan,
hidup!
dengan terperinci

Mencari —
HUBUNGAN rohani
& KEBERKATAN
setiap masa

Bangun **AWAL**
dan rebutlah
KEBERKATANNYA

Isi hati —
DENGAN LIMPAHAN
perkara POSITIF

Tekad
untuk
fizikal
yang sihat

AMBIL ^{masa}
untuk
BERSANTAI!

Bersedia
BERKHIDMAT

BERIKAN
komitmen &
dan berdisiplin

JazakAllah Khair to Our Wonderful CrowdFund Supporters!

With your help we translated the manifesto into Seven Languages of the Ummah:

(Click on any of the languages below to access the translated manifesto!)

Arabic

Urdu

Malay

French

Turkish

Bahasa

Bengali

Abdul Bari	Baddr el Din Dehne	Hashem Ghazzawi	Mohammad Sulaiman	Shaheen Srankindakam
Abdul Razak	Chris Blauvelt	Isam Nagi	Mohammed Arshid	Shazia Shahid
Abdullah Faris	Darakhshanda Akram	Ismat Irfan	Mst. Tuhina Khatun	Siti Aishah Ismail
Abdullah Sabit Tuna	Dina Tabbah	Iza Husna Mohamad Hashim	Nadia Khan	Siti Munirah Ibrahim
Abdur Rehman	Dr. Rami Ahmad	Kashif Khawaja	Noa Takarroumt	Suha Salameh
Ahmad Badran	Ezdehar Sultan	Khadijah Eid	Nor Hafizah Abdul Rahman	Suliman Amarkhil
Al Ameen Abbas	Fahad Mansur Dan-Ali	Lisa Zahran	Nor Hafizah Arop	Tanzil Ahmed
Amany Killawi	Farah Iqbal	M Ali	Omar Hamid	Tarek Mansour
Ansarullah Ridwan Mohammed	Fareda Jaffer	M Firdaus Harun	Raheemah Odus	Tooryalai Noorzai
Asadullah Ahmed	Fatimah Rashid	Madina Tsuntsaeva	Rayyan Aleem	Umar Yusuf
Asma Adam	Fauzia Manzoor	Marwan Chaar	Ruba D	Yasmin Noorani
Asnida Wahab	Halima Wako	Mehtab Alam	Safika Akter	Zaida Charfudine
Ayhan Karaca	Hammad Alhamad	Mohamad Chehade	Sam Ali	Zohra Shaikh
Azmat Riaz	Hasan Hasan	Mohamed Shoukry	Sam Syeda	

May Allah bless all of those who contributed but chose to remain anonymous.

May they find their reward with Allah in this world and the next (ameen)!